



# ক্ষুদ্র নৃগোষ্ঠীর সাংস্কৃতিক ইনস্টিটিউট খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

## ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর নির্বাহী পরিষদের সভার কার্য বিবরণী

সভাপতি : জনাব মংসুইপু চৌধুরী  
চেয়ারম্যান,  
খাগড়াছড়ি পার্বত্য জেলা পরিষদ  
এবং  
সভাপতি,  
নির্বাহী পরিষদ

সভার তারিখ ও সময় : তারিখ: ১২/০৯/২০২১ খ্রি:

সভার স্থান : খাগড়াছড়ি পার্বত্য জেলা পরিষদ চেয়ারম্যান এর অফিস কক্ষ

সভার উপস্থিতি : সংযুক্ত তালিকা-“ক”

সভাপতি সভায় উপস্থিত সকল সদস্যগণকে শুভেচ্ছা জানিয়ে সভার কার্যক্রম শুরু করেন। অতঃপর তিনি বলেন, মহামারি কোভিড-১৯ সংক্রমনসহ বিভিন্ন কারণে দীর্ঘদিন পর নির্বাহী পরিষদের সভা অনুষ্ঠিত হচ্ছে। আলোচ্যসূচী অনুযায়ী এ সভা পরিচালনার জন্য তিনি ইনস্টিটিউটের ভারপ্রাপ্ত উপ পরিচালক এবং সভার সদস্য সচিব জনাব জিতেন চাকমাকে অনুরোধ জানান।

ভারপ্রাপ্ত উপ পরিচালক জনাব জিতেন চাকমা উপস্থিত সবাইকে শুভেচ্ছা জানিয়ে আজকের সভার পেক্ষাপট বর্ণনা করে বলেন, করোনার কারণে দীর্ঘ এক বছরের অধিক সময় পর সভা অনুষ্ঠিত হচ্ছে। এছাড়া সংস্কৃতি বিষয়ক মন্ত্রণালয়ের প্রতিনিধি জনাব জোহরা খাতুন, (পদবী) মন্ত্রণালয়ে মাসিক সমন্বয় সভা থাকার কারণে এই সভায় যোগদান করতে পারেননি। তিনি এই সভাটি পেছানোর জন্য অনুরোধ করেছিলেন বলে ভারপ্রাপ্ত উপ পরিচালক সভাকে জানান। তিনি আরও বলেন আজকে সভায় যারা যোগদান করেছেন তারা বেশীরভাগই নতুন, সেজন্য তিনি ক্ষুদ্র নৃগোষ্ঠীর আইন-২০১০ সম্পর্কে সংক্ষিপ্ত ব্রিফিং প্রদান করেন। তিনি বলেন, এই আইনের ক্ষমতা বলে সরকার বাংলাদেশে বসাবাসরত ৫০টি ক্ষুদ্র নৃগোষ্ঠীর সংস্কৃতি রক্ষাতে সাংবিধানিক দায়িত্ব পালন করে যাচ্ছেন। তিনি আরও বলেন, আইনে নির্বাহী পরিষদের দায়িত্ব, পরিচালকের কার্যাবলী, ইনস্টিটিউটের কার্যাবলী বিস্তারিতভাবে বর্ণনা করা হয়েছে। তাই সেই আলোকে আজকের সভাটির কার্যক্রম পরিচালনার জন্য সকল সম্মানিত সদস্যদের অনুরোধ করেন।

অতঃপর আজকের আলোচ্য সূচী অনুসারে উপস্থিত সকল সদস্যদের আলোচনার ভিত্তিতে গৃহীত সিদ্ধান্ত নিম্নরূপ:-

নং	বিষয়	আলোচনা ও সিদ্ধান্ত	বাস্তবায়নকারী
১	২	৩	৪
০১	ইনস্টিটিউটের ২০২০-২১ অর্থ বছরের বাজেট	২০২০-২১খ্রিঃ বছরের জন্য বরাদ্দকৃত ১.৩৮(এক কোটি আটত্রিশ লক্ষ) টাকা আইবাসের খাতওয়ারী বাজেট সম্পর্কে বিস্তারিত আলোচনা করা হয়। আলোচনায় অংশ নিয়ে পার্বত্য জেলা	উপ পরিচালক ক্ষুদ্র নৃগোষ্ঠীর সাংস্কৃতিক



# ক্ষুদ্র নৃগোষ্ঠীর সাংস্কৃতিক ইনস্টিটিউট

খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

	<p>অনুমোদন</p>	<p>পরিষদের মুখ্য নির্বাহী কর্মকর্তা জনাব মোহাম্মদ বশিরুল হক ভূঞা, কোড নং ৩২১১১৩৪ (শ্রমিক মজুরী) খাতে ১১.০০ লক্ষ এবং কোড নং ৩২১১১২৯ (অফিস ভবন ভাড়া) কোডের ১.৫ লক্ষ টাকা কিভাবে ব্যয় করা হয় তা জানতে চান।</p> <p>এ প্রেক্ষিতে ভারপ্রাপ্ত উপ পরিচালক ও সভার সদস্য সচিব বলেন, ৩২১১১৩৪ শ্রমিক মজুরী কোডটি অর্থ মন্ত্রণালয় কর্তৃক জারীকৃত সার্কুলার অনুসরণ করে সর্বসাকুল্যে এবং দৈনিক ভিত্তিতে কাজ করানোর জন্য নিয়োজিত লোকদের খাতে ব্যয় করা হয়। বর্তমানে অফিসে ১২ জন কর্মচারী সর্বসাকুল্যে বেতনে কর্মরত রয়েছেন। অপরদিকে অফিস ভবন ভাড়া বিষয়ে উপ পরিচালক জানান, এই অর্থ বছর হতে তিনটি উপজেলায় মহালছড়ি, দিঘীনালা এবং পানছড়ি উপজেলায় শাখা অফিস স্থাপন করা হবে। সেই জন্য উক্ত টাকা বরাদ্দ রাখা হয়েছে।</p> <p>সিদ্ধান্তঃ বিগত সময়ে নিয়োগকৃত ১২ জনের বেতন/মজুরী হিসাবে ১১.০০ এবং তিনটি উপজেলায় শাখা স্থাপন বাবদ অফিস ভবন ভাড়া খাতে ১.৫০ লক্ষ টাকা যৌক্তিক হিসাবে বিবেচনা করে সর্বসম্মতিক্রমে চুক্তিভিত্তিক নিয়োগ অনুমোদন করা হয়।</p>	<p>ইনস্টিটিউট</p>
<p>০২</p>	<p>চলমান ইনস্টিটিউটের অবকাঠামো উন্নয়ন প্রকল্প সংক্রান্ত</p>	<p>এ বিষয়ে আলোচনার সূচনা করে ইনস্টিটিউটের উপ পরিচালক জনাব জিতেন চাকমা বলেন, ইনস্টিটিউটের বর্তমান অবকাঠামোর মধ্যে প্রশিক্ষণ রুম, ডরমেটরি কক্ষ না থাকায় ২০১৬-১৭ হতে ২০২১-২২ অর্থবছরে অবকাঠামো উন্নয়ন প্রকল্প নামে একটি প্রকল্প গ্রহন করা হয়। এ প্রকল্পটির বাস্তবায়ন মেয়াদ আজ অবধি মন্ত্রণালয় এবং পরিকল্পনা কমিশন হতে ৩ বার মেয়াদ বৃদ্ধি করা হলেও গণপূর্ত বিভাগ কর্তৃক আজ অবধি ভবন হস্তান্তর করা হয়নি। ৩ বার মেয়াদ বৃদ্ধি করা সত্ত্বেও প্রকল্পের বাস্তবায়ন কাজ সমাপ্ত করতে না পারার কারণে প্রকল্প পরিচালক কর্তৃক গণপূর্ত বিভাগকে ঠিকাদারের কার্যাদেশ বাতিলসহ জামানত বাজেয়াপ্ত করার পত্র দেওয়া হলেও কোন কাজ হয়নি। সর্বশেষ বিগত জুলাই, ২০২১ মাসের ১২ তারিখ স্থানীয় সংসদ সদস্য জনাব কুজেন্দ্র লাল ত্রিপুরা মহোদয় এর উপস্থিতিতে ঠিকাদার এবং প্রকল্প পরিচালকের সাথে এক সভা অনুষ্ঠিত হয়। উক্ত সভায় জুলাই, ২০২১ মাসের মধ্যে ভবন হস্তান্তর করার বিষয়ে সিদ্ধান্ত হলেও আজও সংশ্লিষ্ট ঠিকাদার এবং গণপূর্ত বিভাগ ভবন হস্তান্তর করেননি। অপরদিকে কার্যাদেশ মোতাবেক ভবনের সীমানা প্রাচীর ও স্যুভেনিরসপ নির্মাণ কাজ এখনও শুরু করেনি। তাই প্রকল্প পরিচালক হিসাবে অবশিষ্ট ৩.০০ কোটি টাকা ফেরত দেয়া হবে মর্মে সভাকে অবহিত করেন এবং আজকের সভা শেষে ভবন পরিদর্শনের জন্য কমিটির সকল সদস্যদেরকে অনুরোধ করেন।</p> <p>আলোচনায় অংশ গ্রহন করে মাননীয় চেয়ারম্যান, পার্বত্য জেলা পরিষদ, খাগড়াছড়ি ও সভাপতি বলেন, এ জেলার উন্নয়নে বরাদ্দকৃত</p>	<p>জিতেন চাকমা উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট।</p>



# ক্ষুদ্র নৃগোষ্ঠীর সাংস্কৃতিক ইনস্টিটিউট

## খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

		<p>টাকা ঠিকাদারের কারণে ফেরত যাবে তা দুঃখজনক। তাই টাকা ফেরত না দিয়ে সরকার যে উদ্দেশ্যে প্রকল্প গ্রহন করেছিলেন সেই উদ্দেশ্য সফল করার জন্য দ্রুত প্রকল্পটি সমাপ্ত করার বিষয়ে তিনি গনপূর্ত বিভাগের নির্বাহী প্রকৌশলীর সাথে আলোচনা করবেন বলে সভাকে জানান। <u>সিদ্ধান্ত:</u></p> <p>(১) মাননীয় চেয়ারম্যান, খাগড়াছড়ি পার্বত্য জেলা পরিষদ গনপূর্ত বিভাগের নির্বাহী প্রকৌশলীর সাথে আলোচনা করে প্রকল্পের কাজটি দ্রুত সমাপ্ত করার বিষয়ে ব্যবস্থা গ্রহণ করবেন।</p>	
০৩	পার্বত্য চট্টগ্রাম বিষয়ক মন্ত্রণালয় সংক্রান্ত সংসদীয় স্থায়ী কমিটি কর্তৃক সুপারিশকৃত রাজশুনিয়ার রাজানগরে অবস্থিত চাকমা রাজার স্মৃতি বিজরিত ২০০ বছরের পুরাতন রাজবাড়ী সংরক্ষণের বিষয়ে আলোচনা	<p>পার্বত্য চট্টগ্রাম বিষয়ক মন্ত্রণালয় সংক্রান্ত সংসদীয় স্থায়ী কমিটির (..... তম) সভায় রাজশুনিয়ার রাজানগরে অবস্থিত চাকমা রাজার স্মৃতি বিজরিত ২০০ বছরের পুরাতন রাজবাড়ী সংরক্ষণের বিষয়ে সুপারিশ করা হয়েছিল। এ বিষয়ে সভায় আলোচনা করা হয়।</p> <p>রাজশুনিয়ায় অবস্থিত চাকমা রাজবাড়ী সংরক্ষণের জন্য খাগড়াছড়ি ক্ষুদ্র নৃগোষ্ঠীর সাংস্কৃতিক ইনস্টিটিউট কর্তৃক একটি প্রকল্প গ্রহন করে তা বাস্তবায়নের সিদ্ধান্ত গৃহীত হয়। প্রকল্পটি বাস্তবায়নের পরবর্তীতে তা রক্ষণাবেক্ষণ করার জন্য সংস্কৃতি বিষয়ক মন্ত্রণালয়ের সাথে চাকমা রাজার চুক্তি স্বাক্ষর পূর্বক চাকমা রাজার দপ্তরে হস্তান্তর করার বিষয়ে সুপারিশ করা হয়। রাজশুনিয়ায় অবস্থিত চাকমা রাজবাড়ী চাকমা রাজার নিজস্ব সম্পত্তি এবং বিশেষ ঐতিহাসিক স্থান হিসেবে বিবেচনায় নিয়ে চাকমা রাজাকে তার দপ্তরের মাধ্যমে তা পরিচালনার জন্য হস্তান্তর করার বিষয়ে সুপারিশ করা হয়।</p> <p><u>সিদ্ধান্ত:</u> রাজশুনিয়ায় অবস্থিত চাকমা রাজবাড়ী সংরক্ষণের জন্য খাগড়াছড়ি ক্ষুদ্র নৃগোষ্ঠীর সাংস্কৃতিক ইনস্টিটিউট কর্তৃক একটি প্রকল্প গ্রহন করা হবে। প্রকল্পটি বাস্তবায়ন করে পরবর্তীতে তা রক্ষণাবেক্ষণ করার জন্য চাকমা রাজার দপ্তরে হস্তান্তর করা হবে।</p>	
০৪	ক্ষুদ্র নৃগোষ্ঠীর সাংস্কৃতিক ইনস্টিটিউটের উপজেলা পর্যায়ে শাখা স্থাপন ও জনবল বৃদ্ধি প্রসংগে।	<p>এ বিষয়ে আলোচনার সূচনা করে ইনস্টিটিউটের ভারপ্রাপ্ত উপ পরিচালক জনাব জিতেন চাকমা বলেন, ইনস্টিটিউট একটি সংবিধিবদ্ধ সংস্থা হিসেবে ক্ষুদ্র নৃগোষ্ঠীর সাংস্কৃতিক প্রতিষ্ঠান আইন-২০১০ এর ৫(২) অনুসারে সরকারের পূর্বানুমোদনক্রমে, বাংলাদেশের যেকোন স্থানে উহার শাখা কার্যালয় স্থাপন করা যায়। সেজন্য জেলার সাংস্কৃতিক কর্মকান্ড প্রসারের জন্য উপজেলা পর্যায়ে শাখা স্থাপন করা যেতে পারে। এই অর্থবছর হতে পানছড়ি, দিঘীনালা এবং মহালছড়ি উপজেলায় শাখা কার্যালয় খোলার জন্য প্রস্তাব করেন। এছাড়াও তিনি ৪০ সদস্য বিশিষ্ট নতুন সাংগঠনিক কাঠামো বৃদ্ধির প্রস্তাব করেন।</p> <p><u>সিদ্ধান্ত:</u></p> <p>(১) এই অর্থ বছর হতে পানছড়ি, দিঘীনালা এবং মহালছড়ি উপজেলায় শাখা অফিস খোলার সিদ্ধান্ত গৃহীত হয়। এ বিষয়ে উপ</p>	জিতেন চাকমা উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট



# ক্ষুদ্র নৃগোষ্ঠীর সাংস্কৃতিক ইনস্টিটিউট

## খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

		পরিচালক উপজেলার শাখা স্থাপনের বিষয়ে প্রয়োজনীয় পদক্ষেপ গ্রহন করবেন। (২) প্রস্তাবিত ৪০টি পদের জনবল কাঠামো সৃষ্টির লক্ষে উপ পরিচালক সংস্কৃতি বিষয়ক মন্ত্রণালয়, জনপ্রশাসন মন্ত্রণালয় এর সাথে যোগাযোগ করে প্রয়োজনীয় পদক্ষেপ গ্রহন করবেন।	
০৫	বিবিধ আলোচনা		
০৫ (ক)	খাগড়াছড়ি ক্ষুদ্র নৃগোষ্ঠীর সাংস্কৃতিক প্রতিষ্ঠানের নির্বাহী পরিষদের সভাপতির নাম গেজেটে প্রকাশ প্রসঙ্গে।	ক্ষুদ্র নৃগোষ্ঠীর সাংস্কৃতিক প্রতিষ্ঠান আইন, ২০১০ এর ধারা-৭(১) অনুযায়ী “খাগড়াছড়ি ক্ষুদ্র নৃগোষ্ঠীর সাংস্কৃতিক প্রতিষ্ঠানের ক্ষেত্রে পার্বত্য জেলা পরিষদের চেয়ারম্যান, যিনি উহার সভাপতিও হইবেন” মর্মে উল্লেখ রয়েছে। কিন্তু পূর্বের নির্বাহী পরিষদ গঠনের গেজেট প্রকাশের সময় পূর্ববর্তী চেয়ারম্যান জনাব কংজরী চৌধুরীর নাম গেজেটে ছাপানো হয়েছিল। ইতোমধ্যে সরকার কর্তৃক খাগড়াছড়ি পার্বত্য জেলা পরিষদের চেয়ারম্যান পদে রদবদল হওয়ায় প্রশাসনিক কাজের স্বার্থে নির্বাহী পরিষদের সভাপতি হিসেবে শুধুমাত্র “খাগড়াছড়ি পার্বত্য জেলা পরিষদের চেয়ারম্যান, যিনি উহার সভাপতিও হইবেন” মর্মে উল্লেখ করে গেজেট প্রকাশের ব্যবস্থা গ্রহণের বিষয়টি সভায় আলোচনাক্রমে সিদ্ধান্ত গ্রহণ করা হয়।	জিতেন চাকমা ভারপ্রাপ্ত উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট।
০৫ (খ)	সদস্য কো অপ সংক্রান্ত	আলোচনার সত্রপাত করে উপ পরিচালক জানান, বিগত নির্বাহী পরিষদের প্রজ্ঞাপন জারির পর পার্বত্য জেলা পরিষদের পুনর্গঠন করা হয়েছে। আইনে পদাধিকার বলে পার্বত্য জেলা পরিষদের চেয়ারম্যানকে নির্বাহী পরিষদের সভাপতি করার উল্লেখ থাকলেও জেলা পরিষদের কোন সদস্য নির্বাহী পরিষদের সদস্য হতে পারবে সেবিষয়ে কোন স্পষ্ট উল্লেখ নেই। তাই আইনের কাঠামোর মধ্যে বর্তমান পরিষদ সদস্য ও আহ্বায়ক (সংস্কৃতি ও সমবায়) জনাব নীলোৎপল খীসা'কে নির্বাহী পরিষদের সদস্য করতে হলে কো অপ করতে হবে। তাই এ সভায় খাগড়াছড়ি জেলা পরিষদের সম্মানিত সদস্য জনাব নীলোৎপল খীসাকে কো অপ করার প্রস্তাব করেন। <u>সিদ্ধান্ত:</u> (১) সভায় খাগড়াছড়ি পার্বত্য জেলা পরিষদের সদস্য ও আহ্বায়ক (সংস্কৃতি ও সমবায় বিভাগ) জনাব নীলোৎপল খীসা'কে কো-অপ করার সিদ্ধান্ত গৃহীত হয়।	জিতেন চাকমা ভারপ্রাপ্ত উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট।
০৫ (গ)	প্রবিধানমালা সংক্রান্ত	এ বিষয়ে আলোচনার সূচনা করে ইনস্টিটিউটের উপ পরিচালক জনাব জিতেন চাকমা বলেন বিগত ০৬-০৯-২০২১ খ্রিঃ ক্ষুদ্র নৃগোষ্ঠীর প্রবিধানমালা গেজেট প্রকাশিত হয়েছে। সেজন্য এই প্রবিধানমালা প্রণয়ন কাজের সাথে সংশ্লিষ্ট কর্মকর্তা মোসাম্মৎ জোহরা খাতুন, পদবী..... সহ সকলকে ধন্যবাদ জানান। তিনি আরও বলেন এখন প্রবিধানমালা অনুসারে জনবল নিয়োগের কোন সমস্যা নেই। <u>সিদ্ধান্ত:</u> প্রবিধানমালা অনুসারে জনবল নিয়োগের কার্যক্রম শুরু করা হবে।	ভারপ্রাপ্ত উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট।



# ক্ষুদ্র নৃগোষ্ঠীর সাংস্কৃতিক ইনস্টিটিউট

খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

০৫ (গ)	গাড়ী সংক্রান্ত	<p>এ বিষয়ে ভারপ্রাপ্ত উপ পরিচালক জনাব জিতেন চাকমা বলেন, ইনস্টিটিউটে একটি জীপ গাড়ীর সংস্থান থাকলেও অর্থ বরাদ্দ না থাকায় তা ক্রয় করা সম্ভব হয়নি। বিগত ১৬তম সংসদীয় স্থায়ী কমিটির সভায় একটি গাড়ী বরাদ্দের জন্য সুপারিশ করা হয়।</p> <p><u>সিদ্ধান্ত:</u></p> <p>(১) ইনস্টিটিউটে গাড়ীর ক্রয়ের জন্য অর্থ বরাদ্দের বিষয়ে প্রস্তাব প্রেরণ করা হবে। বরাদ্দ প্রাপ্তি সাপেক্ষে গাড়ী ক্রয় করা হবে।</p>	উপ পরিচালক ক্ষুদ্র নৃগোষ্ঠীর সাংস্কৃতিক ইনস্টিটিউট।
০৫ (ঘ)	পরিচালক নিয়োগ সংক্রান্ত	<p>অনির্ধারিত আলোচনায় আলোচনার সূত্রপাত করে খাগড়াছড়ি পার্বত্য জেলা পরিষদের মুখ্য নির্বাহী কর্মকর্তা জনাব মোহাম্মদ বশিরুল হক ভূঞা বলেন, ক্ষুদ্র নৃগোষ্ঠীর সাংস্কৃতিক প্রতিষ্ঠান আইন, ২০১০ এর ধারা-১১ এ সরকার কর্তৃক একজন পরিচালক নিয়োগের বিধান রয়েছে। আইনের এ ধারা অনুসরণে ইতোমধ্যে ক্ষুদ্র নৃগোষ্ঠীর কালচারাল একাডেমি, বিরিশিরি, নেত্রকোণা এর পরিচালক হিসেবে জনাব সুজন কুমার হাজং(সুজন হাজং)-কে এবং কক্সবাজার সাংস্কৃতিক কেন্দ্র এর পরিচালক পদে জনাব মং এ খেন-কে সরকার কর্তৃক নিয়োগ প্রদান করা হয়েছে। ক্ষুদ্র নৃগোষ্ঠীর সাংস্কৃতিক প্রতিষ্ঠান আইন, ২০১০ অনুযায়ী ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর পরিচালক পদটি খুবই গুরুত্বপূর্ণ একটি পদ। ক্ষুদ্র নৃগোষ্ঠীর সাংস্কৃতিক প্রতিষ্ঠান আইন, ২০১০ এর ১১(৩) এ উল্লেখ আছে “পরিচালক ক্ষুদ্র নৃগোষ্ঠীর সাংস্কৃতিক প্রতিষ্ঠানের সার্বক্ষণিক প্রধান হইবেন এবং তিনি নিম্নবর্ণিত কার্য ও দায়িত্ব সম্পাদন করিবেন”, যাহা আইনের ১১(৩) এর (ক) হতে (ঞ) পর্যন্ত এর ব্যাখ্যা করা হয়েছে।</p> <p>সভায় ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর পরিচালকের পদটি পূরণের বিষয়ে আলোচনা করা হয়। যেহেতু ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর পরিচালকের পদটি খুবই গুরুত্বপূর্ণ পদ এবং এ পদটি প্রতিষ্ঠালগ্ন হতে শূন্য রয়েছে তাই ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর কার্যক্রম আইন ও বিধি মোতাবেক সুষ্ঠুভাবে পরিচালনার জন্য ২৯৮ সংসদীয় আসনের মাননীয় সংসদ সদস্য জনাব কুজেন্দ্র লাল ত্রিপুরা মহোদয়ের সুপারিশ গ্রহণ করে “ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি এর পরিচালক পদে নিয়োগের জন্য মন্ত্রণালয়ে প্রস্তাব প্রেরণ করার বিষয়ে সভায় একমত পোষন করা হয়।</p> <p>আলোচনায় অংশ নিয়ে ভারপ্রাপ্ত উপ পরিচালক বলেন, বিগত ২০১৯ খ্রিস্টাব্দে উপ পরিচালক জনাব সুসময় চাকমা অবসর গ্রহণ করলে ইনস্টিটিউটের গবেষণা কর্মকর্তা জনাব জিতেন চাকমাকে ভারপ্রাপ্ত উপ পরিচালক পদে নিয়োগের জন্য মাননীয় সংসদ সদস্য মহোদয় কর্তৃক একটি অনানুষ্ঠানিক পত্র প্রেরণ করা হয়েছিল। উক্ত পত্রের ভিত্তিতে সংস্কৃতি বিষয়ক মন্ত্রণালয় হতে গবেষণা কর্মকর্তা জনাব জিতেন চাকমাকে আয়ন ব্যয়ন কর্মকর্তার দায়িত্ব প্রদান করে ভারপ্রাপ্ত উপ পরিচালকের দায়িত্ব প্রদান করা হয় (দায়িত্ব প্রদানের</p>	চেয়ারম্যান, খাগড়াছড়ি পার্বত্য জেলা পরিষদ ও সভাপতি, নির্বাহী পরিষদ।



ক্ষুদ্র নৃগোষ্ঠীর সাংস্কৃতিক ইনস্টিটিউট  
খাগড়াছড়ি

ফোন-০৩৭১-৬২১৪৯ ফ্যাক্স-০৩৭১৬২১০

	অফিস আদেশ দাখিল করা হয়নি ) । সিদ্ধান্ত: ক্ষুদ্র নৃগোষ্ঠীর সাংস্কৃতিক প্রতিষ্ঠান আইন, ২০১০ এর ১১ এর আলোকে “ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি” এর পরিচালকের পদটি পূরণের বিষয়ে মাননীয় চেয়ারম্যান মহোদয় প্রয়োজনীয় পদক্ষেপ গ্রহন করবেন।	
--	--	--

সভায় আর কোন আলোচনা না থাকায়, সভাপতি উপস্থিত সকল সম্মানিত সদস্যগণকে ধন্যবাদ জানিয়ে সকলের আন্তরিক সহযোগীতা কামনা করে সভার সমাপ্তি ঘোষণা করেন।

  
(মংসুইপু চৌধুরী)  
চেয়ারম্যান

পার্বত্য জেলা পরিষদ, খাগড়াছড়ি।

ও

সভাপতি


ক্ষুদ্র নৃগোষ্ঠীর সাংস্কৃতিক ইনস্টিটিউট  
নির্বাহী পরিষদ ।

স্মারক নং: ৪৩.৩৪.৪৬০০.০০১.০১.০১৫.২০২০/২৯৮

তারিখ: ১২/০৯/২০২১ খ্রি:

সদয় অবগতি ও কার্যার্থে অনুলিপি প্রেরণ করা হলো।

১. সচিব, সংস্কৃতি বিষয়ক মন্ত্রণালয়, বাংলাদেশ সচিবালয়, ঢাকা।
২. সচিব, পার্বত্য চট্টগ্রাম বিষয়ক মন্ত্রণালয়, বাংলাদেশ সচিবালয়, ঢাকা।
৩. জনাব নীলোৎপল খীসা, সদস্য, খাগড়াছড়ি পার্বত্য জেলা পরিষদ ও আহবায়ক ক্ষুদ্র নৃগোষ্ঠীর সাংস্কৃতিক ইনস্টিটিউট, খাগড়াছড়ি।
৪. জনাব.....
৫. অফিস নথি

  
(জিতেন চাকমা)

উপ-পরিচালক (ভারপ্রাপ্ত)

ও

সদস্য সচিব

ক্ষুদ্র নৃ-গোষ্ঠীর সাংস্কৃতিক ইনস্টিটিউট খাগড়াছড়ি  
নির্বাহী পরিষদ ।